

**Siunnersuut uunga: Inatsisartuni Naalakkersuisunilu il.il. ilaasortat
aningsarsiaqartitaanerit il.il. pillugit inatsisartut inatsisaata
allanngortinneqarneranik Inatsisartut inatsisaat nr. xx, uu. qqqq 2017-imeersoq.**

(Ataatsimiinnernut atatillugu akiliunneqarluni ilaqtanik ingiallorteqarsinnaaneq,
Inatsisartunut ilaasortanut Naalakkersuisunullu ilaasortanut soraarnerussutisiaqarnissamik
aaqqissuussinerit)

(Inatsisartut Siulittaasoqarfiat)

Akissuteqaat

(Naalakkersuisut Siulittaasuut)

Siullermeerneqarnera

Aallaqqaasiullugu aningsarsiaqartitaaneq pillugu inatsisip allannguutissatut
siunnersuummik Inatsisartut Siulittaasoqarfiata saqqummiussinera Naalakkersuisut
qutsavigaat.

Naalakkersuisut maluginiarpaat Inatsisartuni ilaasortat ilaqtariinnikkut inuunerisa
eqqarsaatigineqarnerunissaanik kissaateqarneq aallaavigalugu ilaqtat ilagineqartarnissaat
pillugu siunnersuut saqqummiunneqartoq.

Inatsisartuni Naalakkersuisunilu ilaasortat soraarnerussutisiaqarnissaannut aaqqissuussinerni
akissarsiaqartitsineq pillugu inatsimmi aalajangersakkat allanngortinneqarnissaat
Naalakkersuisut tapersorsorpaat, aalajangersakkanik allannguinikkut malittarisassat
soraarnerussutisiaqarnissamut aaqqissuussinermut pinngitsoorani ilaanissaq pillugu
malittarisassanut nutaanut 1. januar 2018-imi atuutilersussanut naapertuunnissaat
qulakkeerneqassamat.

Taamatut oqaasertalerlugu siunnersuut Naalakkersuisunit tusaatissatut tiguneqarpoq.